

Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An licita sit viduis delectatio de copula tempore matrimonii habita?

urn:nbn:de:hbz:466:1-41144

QUÆR. III. An, & quale peccatum sit, si quis in motibus venereis ita negative se habeat, ut neque consentiat, neque positivè ressistat, sed quasi permissive se habeat?

490

A D I. Q. Videtur affirmativè respondendum ex his rationibus. Primo, quia ejusdem bonitatis & malitiae est operatio, & ejus delectatio, teste Aristotil. l. 10. Et hic. cap. 3. & cap. 5. sed operatio, quam delectatio habet pro objecto, licita est: ergo & delectatio.

2. Quia conjugibus licitum est, delectari de copula tunc habita, quia delectantur de objecto bono, sed idem est objectum etiam tunc cum vidui sunt: ergo licet de eodem delectari; quia diversitas temporum speciem moralem non varia, si in objectis non sit variatio.

3. Quia delectari de copula est copulam approbare, & de illa gaudere; sed gaudium, & approbatio licita est: ergo licita est & delectatio. Ita sentire videntur Sylvest. V. delectatio. q. 3. Medina q. 74. a. 3. dub. 2. Cajetan. V. delectatio Palud. & alii.

491 Nihilominus dicendum est, peccare mortaliter viduos admittentes delectationem venereum, ac sensitivam ortam ex cogitatione copulae habitæ tempore matrimonii. Ita Vasq. D. 114. c. 2. Salas D. 6. S. 30. Navar. cap. 16. n. 6.

Bonac. q. 4. de matr. pan. 8. n. 13. Sanch. l. 9. D. 47. n. 7. Azor. l. 4. c. 6. q. 7. Palao tr. 2. D. 2. p. 10. §. 2. Less. l. 4. c. 3. dub. 15. n. 120. Tanner. D. 4. q. 8. dub. 7. Cordub. Lop. Vega, aliquique. Ratio est, quia talis delectatio non sumit suam bonitatem, vel malitiam ab objecto præterito, quod bonum quidem est, sed ex oppositione, quam de præsenti habet cum virtute castitatis, eo quod de præsenti excitet, & commoveat spiritus subfervientes generationi, & pollutionis præsentis initium sit; actus quippe appetitus sensitivi semper fertur in copulam præsentem, ut præsentem cum præsenti commotione, & ad illam ordinatur, estque quædam ipsius inchoatio, ut dictum est suprà: atqui copula præsens solis conjugatis licita est: ergo. Unde

Ad rationes in contrarium R. ad i. ejusdem quidem bonitatis, vel malitiae esse delectationem cum operatione, quam habet pro objecto: at objectum delectationis non est copula præterita, ut præterita, sed quatenus vi apprehensionis modò fit præsens, & quasi modò fit exercita, quæ cum de præsenti illicita sit, illicita quoque est ejus delectatio, quæ, licet sit de copula licita, causat tamen illicitam

citam de præsenti. Ad id, quod additur, verum quidem est, quod differentia temporum non variet speciem moralem; at ipsa delectatio non respicit copulam ut præteritam, sed ut præsentem, ut dictum est.

Ad 2. Negatur, conjugibus ideo duntaxat licitum esse delectari de copula tunc habita, quia delectantur de objecto bono, sed quia delectationes non sunt eis tunc prohibitæ; cum enim eis licita tunc sit ipsa copula, licita esse debet causa illius, quæ ratio non pugnat pro viduis.

Ad 3. Negatur pariter delectari de copula esse formaliter copulam approbare, aut de illa ut cunque gaudere, nam in omni sententia licitum est viduae, gaudere, quod debitum marito reddiderit, quia hic actus totam suam honestatem, & malitiam lumen per ordinem ad objectum, sicut actus desiderii & voluntatis efficacis; delectatio vero inefficax appetitus sensitivi, cum non respiciat objectum, ut præteritum, sed suo modo abstrahat ab illo, ejus malitia, & bonitas non per ordinem ad objectum, ex quo originem sumpsit, sed ex effetu, quem causat, desumenda est; cum autem delectatio de copula licita causet illicitam, quia causat copulam de præsenti, quæ illicita

est, delectatio quoque illicita erit.

Ad 2. Q. Non nulli cum Medina 492
dina 1. 2. q. 74. a. 8. dub. 3. Vi-
ctor, Zumel & aliis opinantur,
non peccare sponsum, saltem
graviter, qui delectatur in appeti-
tu sensitivo in cogitatione copulæ
tempore matrimonii habendæ,
duummodo absit periculum pollutio-
nis, & consensus in aliquod pec-
catum mortale. Probant isdem
ferè rationibus suprà indicatis in
opinione priori. Primo, quia ea
delectatio est de objecto licto;
talis autem est delectatio, quale
est objectum. 2. Quia ideo licet
conjugibus delectatio appetitus
sensitivi consurgens ex cognitione
copulæ præteritæ, aut futuræ,
quia est delectatio de copula li-
cita. 3. Quia licitum est tibi de-
lectari de distributione pecuniae
alienæ pro tempore, quo tua est
futura: vel sub conditione, si esset
tua: ergo à pari.

Verum tenendum est oppositum,
& dicendum, id minimè licere
sponsis de futuro, sed peccatum
lethalē esse, captare delectatio-
nen appetitus sensitivi in copula
futura habenda tempore conjugii.
Ratio suprà est indicata, quia
actus appetitus sensitivi semper
fertur in copulam præsentem, ut
præsentem cum præcente com-
motione spirituum genitalium, &
ad